



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 2. Aliud dissidium Batavorum circa novam Litrugiam.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII.
A. C. 1663.

§. II.

Aliud diffidium Batavorum circa novam Liturgiam.

Ineunte hujus sæculi anno sexagesimo tertio Batavi ob fanaticum sectæ *Tuld. l. c. lib. 10.* diffidium graviter inter se collidebantur; cum enim Hollandiæ & Frisiæ Prædicantes abolita veteri liturgia novam cuderent, sequentesque preces e suggestu pro Magistratus incolumitate recitari præciperent: *Oramus te, supremum Numen pro iis, quos nobis præficere voluisti Hollandiæ ac Frisicæ Statibus, velut qui legitimus noster & supremus Magistratus sunt . . . item pro Magistratu, & Regentibus hujus loci &c.* mox comperta hac novitate ceteræ Batavorum Provinciæ in Hollandos & Frisones insurrexerunt, editisque scriptis huic liturgiæ contradixere, eoquod ejusmodi precum examen ac judicium sibi solis arrogassent, cum tamen id non ad unam alteramve Provinciam, sed ad omnes, Synodosque spectaret; ac insuper novo, insolito, ac temerario ausu arctiorem, quam inter se ante duodecim annos Hagæ Comitum pacti fuissent, unionem violassent: Verum res inter querelas hæsit; animosius autem eodem anno Batavi invidiam, odiumque suum in

Sæc. XVII. Catholicos exerebant; cum enim Fal-
A. C. 1663. ckeniffa olim Oirschottani Monasterii
 Abbatiffa ante quinquennium demor-
 tua, sicut in vita, ita & post obitum
 miraculis inclaresceret, ejusque cor-
 pus a corruptione immune esset, proin-
 ad ejus sepulcrum Catholici magno nu-
 mero confluerent, hinc Batavi edito
 Ordinum decreto præceperunt, ut hu-
 jus Sanctimonialis corpus exhumaretur,
 atque e sepulcro suo ad Sylva-
 ducensem Ecclesiam translatum ho-
 nesto loco conderetur: Insuper hi non
 modo mortuis quietem, sed & vivis
 Catholicis invidabant suis in terris ho-
 nores; quippe hoc etiam anno Selandi
 postulabant, ut communi Ordinum fœ-
 deratorum decreto omnes Catholici ad
 militiæ officia inhabiles declararentur;
 Frisones quoque cunctos Sacerdotes
 Catholicos ex sua Provincia expelle-
 bant, suisque subditis severe inhibue-
 re, ne suos filios studiorum causa ad
 Catholicorum terras Scholasque mitterent:
 magis adhuc severum edictum
 adversus Catholicos quarto post anno
 promulgarunt Gröningenses, apud quos
 hucusque Catholicis occulto Religio-
 nis suæ exercitio frui concessum erat;
 cum autem Jesuitæ ibidem degentes
 annue libellos typis evulgassent, qui-
 bus cunctos a se a secta ad veram fe-
 derent

dem conversos, nimis exacte enumeraverant, inde exacerbati Gröningenses præceperunt, ut Sacerdotes, & Religiosæ Virgines intra spatium viginti quatuor horarum e Provincia excederent, nec ullibi reciperentur, & si quæ adhuc tolerentur, non plures tamen, quam duæ in una domo essent: de cetero autem Sacramentorum, scholarum, & rituum Romanorum usus Catholicis omnino esset interdictus, ac bis per annum eorum domus visitarentur, transgressores vero gravi pecuniarum multa inter pauperes, reorum delatores, & mandati executores dividenda plecterentur. Hæc absdubio suasit Calviniana charitas, tolerantia spiritus, & conscientia libertas.

Sæc. XVII.
A. C. 1663.

§. III.

Propositiones quædam a Regio Senatu proscriptæ.

Magna animorum contentione hoc anno Parisiis exagitabatur doctrina de Pontificis & Conciliorum auctoritate; cum enim Gabriel Druetus Villanovanus Brito ac Theologiae Baccalaureus die decima nona Januarii publicam disputationem habere decrevisset, atque inter alias Theses de Romano Pontifice & Conciliis has tres propositiones

*Ex act. Par-
lam.*

*Argentre
Coll. Jud.
t. 3. p. 88.*

A 4

tiones